



REPUBLIKA E KOSOVËS-REPUBLIKA KOSOVA-REPUBLIC OF KOSOVO
KËSHILLI I PËRZORRËS MBI KËQVETËS PËR SHËRBYMINI CIVIL TË KOSOVËS
NEZAVISNI NADZORNI ODBOR CIVILNE SLUŽBE KOSOVA
INDEPENDENT OVERSIGHT BOARD CIVIL SERVICE OF KOSOVO



Primeni / Dorezati Primeni/Produs Revenit/Produs	26	11	8	val god year
Organ/Rescu Organ/Jedimica Org./Unit	Mo. Prod. E. Prod. Prod. No.	Intarica etrog Appendix	Sara Kedina Quantity	
SKOMSHOCK	7152/2018		111	



Republika e Kosovës
Republika Kosova – Republic of Kosovo

KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS
NEZAVISNI NADZORNI ODBOR CIVILNE SLUŽBE KOSOVA
INDEPENDENT OVERSIGHT BOARD FOR THE CIVIL SERVICE OF KOSOVO

Nr. 299 /2018

Datë: 15.11.2018

Në mbështetje të nenit 6 paragrafit 1 nënparagrafit 1.3, nenit 20 paragrafit 2, 4 dhe 5 të Ligjit Nr. 06/L-048 për Këshillin e Pavarur Mbikëqyrës për Shërbimin Civil të Kosovës, nenit 10 të Rregullores Nr. 01/2018 për Punën e Këshillit të Pavarur Mbikëqyrës për Shërbimin Civil të Kosovës, nenit 3, nenit 4 paragrafit 1 nënparagrafit 1.1, nenit 5, nenit 16 paragrafit 1 dhe 2 të Rregullores Nr. 04/2018 për Procedurën e Monitorimit të Institucioneve të Administratës Publike lidhur me Zbatimin të Rregullave dhe Parimeve të Legjislacionit për Shërbimin Civil, pasi shqyrtoi raportin me rekomandime për Monitorimin të Institucioneve të Administratës Publike lidhur me Zbatimin të Rregullave dhe Parimeve të Legjislacionit për Shërbimin Civil në Kuvendin e Republikës së Kosovës, Këshilli në mbledhjen e njëzet e tretë (XXIII) të mbajtur më datë 15.11.2018 mori këtë:

VENDIM

1. Miratohet raporti me rekomandime i Kolegjit të Këshillit lidhur me Monitorimin të Institucioneve të Administratës Publike lidhur me Zbatimin të Rregullave dhe Parimeve të Legjislacionit për Shërbimin Civil në Kuvendin e Republikës së Kosovës.
2. Obligohet Sekretari i Përgjithshëm i Kuvendit të Republikës së Kosovës për zbatimin e rekomandimeve në raport, brenda katër dhjetë e pesë (45) ditësh nga dita e pranimit të këtij vendimi.
3. Raporti me rekomandim i Kolegjit të Këshillit lidhur me Monitorimin të Institucioneve të Administratës Publike lidhur me Zbatimin të Rregullave dhe Parimeve të Legjislacionit për Shërbimin Civil në Kuvendin e Republikës së Kosovës, është pjesë e bashkangjitur këtij vendimi.
4. Këshilli i Pavarur Mbikëqyrës për Shërbimin Civil të Kosovës duhet të njoftohet me shkrim pas zbatimit të rekomandimeve në pajtim me këtë vendim dhe raportin.
5. Vendimi hyn në fuqi në ditën e nënshkrimit nga Kryetari i Këshillit.

Vendimi i dërgohet:


- Sekretarit të Përgjithshëm të Kuvendit të Republikës së Kosovës;
-Udhëheqësit të Burimeve Njerëzore në Kuvendin e Republikës së Kosovës dhe
-Arkivit të Këshillit.

Eshref SHABANI
Kryetar i Këshillit





REPUBLIKA E KOSOVËS - REPUBLIKA KOSOVA - REPUBLIC OF KOSOVO
KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS
NEZAVISNI NADZORNI ODBOR CIVILNE SLUŽBE KOSOVA
INDEPENDENT OVERSIGHT BOARD CIVIL SERVICE OF KOSOVO



Pranuar / Dorëzuar Prillogjed / Predato Received / Delivery	26 . 11 . 2018	vid god year	
Organ / Njësia Org. / Jednica Org. / Unit	Mr. Prot. Br. Prot. Prot. No.	Shtojca Prilog Appendix	Sasia Kolicina Quantity
SKPMSTK	7152/2018		119

Republika e Kosovës
Republika Kosova – Republic of Kosovo

KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS
NEZAVISNI NADZORNI ODBOR CIVILNE SLUŽBEKOSOVA
INDEPENDENT OVERSIGHT BOARD FOR THE CIVIL SERVICE OF KOSOVO

RAPORTI I MBIKËQYRJES SË ZBATIMIT TË RREGULLAVE DHE PARIMEVE TE
LEGJISLACIONIT PËR SHËRBIMIN CIVIL

NË

KUVENDIN E REPUBLIKËS SË KOSOVËS

PËR VITIN

2017

Prishtinë, 2018

TABELA E PËRMBAJTJES

Hyrje	3
Funksioni i Mbikëqyrjes.....	3
Objektiva dhe metodologjia e mbikëqyrjes.....	3
Fushat e mbikëqyrjes.....	4
Raporti për mbikëqyrjen në Kuvendin e Republikës së Kosovës	5
Organizimi i Brendshëm dhe të Dhënat e të Punësuarve.....	6
Procedurat e Rekrutimit dhe të Avancimit.....	6
Procedurat Disiplinore.....	6
Procedurat e Ankesave.....	7
Procedurat e Vlerësimit.....	7
Procedurat e Pushimeve.....	7
Procedurat e Transferimit.....	8
Të dhënat për përfaqësim etnik, gjinor dhe personave me nevoja të veçanta.....	8
Pezullimi, Ndërprerja dhe Përfundimi i Marrëdhënies së Punës.....	8
Papajtueshmëria në mes të ushtrimit të detyrës së nëpunësit civil dhe funksionarit publik....	8
Të dhënat nëse ndaj nëpunësve civil është duke u zhvilluar procedurë penale ose janë dënuar me vendim të gjykatë.....	8
Trajnimi i Nëpunësve Civil.....	9
Vijimi në Punë, Pagat, Shtesat dhe Kompensimet.....	9
Zbatimi i Rekomandimeve dhe Vendimeve të Këshillit.....	9
Shënimet/komentet e përgjithshëm për mbikëqyrjen e zbatimit të rregullave dhe parimeve të legjislacionit për shërbimin civil.....	9

HYRJE

Këshilli i Pavarur Mbikëqyrës për Shërbimin Civil të Kosovës (në tekstin e mëtejshëm: Këshilli) mbikëqyrë rregullat dhe parimet e shërbimit civil të Kosovës.

Baza ligjore për ushtrimin e funksioneve të Këshillit është Kushtetuta e Republikës së Kosovës, Ligji nr. 03/L-192 për Këshillin e Pavarur Mbikëqyrës për Shërbimin Civil të Kosovës, Ligji nr. 03/L-149 për Shërbimin Civil të Republikës së Kosovës, Ligji nr. 02/L-28 për Procedurën Administrative, Rregullorja Nr. 02/2016 për Punën e Këshillit të Pavarur Mbikëqyrës për Shërbimin Civil të Kosovës, Rregullorja Nr. 03/2016 për Rregullat dhe Procedurat e Ankesave në Këshillin e Pavarur Mbikëqyrës për Shërbimin Civil të Kosovës, Rregullorja Nr. 04/2016 për Procedurën e Mbikëqyrjes së Zbatimit të Rregullave dhe Parimeve të Legjislacionit për Shërbimin Civil në Institucionet e Administratës Publike si dhe ligjet dhe aktet nënligjore që ndërlidhen me shërbimin civil.

Këshilli përmes mbikëqyrjes së zbatimit të rregullave dhe parimeve në shërbimin civil angazhohet që të sigurohet një administratë profesionale dhe efikase, sipas standardeve evropiane.

FUNKSIONI MBIKQYRËS I KËSHILLIT

Në pajtim me Ligjin Nr. 03/L-192 për Këshillin e Pavarur Mbikëqyrës për Shërbimin Civil të Kosovës dhe Rregullores Nr. 04/2016 për Procedurën e Mbikëqyrjes së Zbatimit të Rregullave dhe Parimeve të Legjislacionit për Shërbimin Civil në Institucionet e Administratës Publike, përmes funksionit të mbikëqyrjes Këshilli bënë mbikëqyrjen e zbatimit të rregullave dhe parimeve të legjislacionit për shërbimin civil.

Për të ushtruar këtë funksion në mënyrën më të mirë, Këshilli ka miratuar "Udhëzuesin për procedurën e mbikëqyrjes së zbatimit të rregullave dhe parimeve të legjislacionit për shërbimin civil", mbi bazën e të cilit edhe harton "Planin e Mbikëqyrjes" në kuadër të të cilit përfshihen një numër i Institucioneve të nivelit qendror dhe lokal, si dhe organe të pavarura dhe agjenci qendrore në kuadër të këtyre Institucioneve, plan ky i cili miratohet nga Këshilli në çdo fillim viti.

OBJEKTIVA DHE METODOLOGJIA E MBIKËQYRJES

Objektiva e mbikëqyrjes ka për qëllim monitorimin e zbatimit të rregullave dhe parimeve të legjislacionit për shërbimin civil. Me qëllim të përmbushjes së përgjegjësisë për realizimin e objektivës sonë kemi zbatuar një kombinim të mostrave sipas gjykimit dhe sipas rastit në përzgjedhjen e dosjeve, dhe jemi mbështetur në një lloj kombinimi të intervistave me zyrtarët e personelit, rishikimeve analitike, rishikimin e dokumenteve dhe verifikimin fizik për të vlerësuar vlefshmërinë dhe rregullsinë e zhvillimit të procedurave dhe respektimin e legjislacionit të shërbimit civil.

FUSHAT E MBIKËQYRJES

Këshilli, gjatë implementim të mandatit të tij lidhur me zbatimin e rregullave dhe parimeve të legjislacionit për shërbimin civil, ka përcaktuar fushat të cilat do të jenë pjesë e mbikëqyrjes në kuadër të Divizioneve të Burimeve Njerëzore dhe mekanizmave tjerë të Institucioneve të cilët janë përgjegjës për zbatim të legjislacionit të shërbimit civil.

Në këtë kuadër si pjesë e mbikëqyrjes janë:

- Organizimi i brendshëm dhe të dhënat e të punësuarve;
- Procedurat e rekrutimit dhe të avancimit;
- Procedurat disiplinore;
- Procedurat e ankesave;
- Procedurat e vlerësimit;
- Procedurat e pushimeve;
- Procedurat e transferimit;
- Të dhënat për përfaqësim etnik, gjinor dhe personave me nevoja të veçanta;
- Procedurat e pezullimit, ndërprerjes dhe përfundimit të marrëdhënies së punës;
- Papajtueshmëria në mes të ushtrimit të detyrës së nëpunësit civil dhe funksionarit publik;
- Të dhënat nëse ndaj nëpunësve civil është duke u zhvilluar procedurë penale ose janë dënuar me vendim të gjykatës;
- Trajnimi i nëpunësve civil;
- Vijimi në punë, pagat, shtesat dhe kompensimet;
- Zbatimi i rekomandimeve dhe vendimeve të Këshillit;
- Shënimet/Komentet/Konkluzionet e Përgjithshme për Mbikëqyrjen e Zbatimit të Rregullave dhe Parimeve të Legjislacionit për Shërbimin Civil

RAPORT PËR MBIKËQYRJEN E ZBATIMIT TË RREGULLAVE DHE PARIMEVE TË LEGJISLACIONIT PËR SHËRBBIMIN CIVIL NË KUVENDIN E REPUBLIKËS SË KOSOVËS

Këshilli, gjatë procesit të mbikëqyrjes së zbatimit të rregullave dhe parimeve të legjislacionit për shërbimin civil në Kuvendin e Republikës së Kosovës për të vlerësuar drejtë në mënyrë të paanshme dhe të saktë gjendjen e ligjshmërisë së veprimeve të ndërmarra nga Kuvendi i Republikës së Kosovës përveç mbikëqyrjes së drejtpërdrejtë që ka zhvilluar gjatë realizimit të vizitës në Kuvendin e Republikës së Kosovës me datë 18.04.2017, në prezencë të Udhëheqësit të Burimeve Njerëzore, si mostra për shqyrtim ka marr një mori të kopjeve të dokumenteve relevante, si në vijim:

- Rregulloren Nr. 04/V-396 të datës 06.09.2013 për Oganizimin dhe Përgjegjësit e Administratës së Kuvendit të Republikës së Kosovës;
- Vendimi i datës 27.08.2016 me nr.04-V-219/k për klasifikimin e vendeve të punës dhe koeficientet për pozitat e nëpunësve të Administratës së Kuvendit;
- Vendimi i datës 01.02.2017 për U.d Drejtor për Media dhe Marrëdhënie me Publikun;
- Vendimi për U.d Drejtor i Drejtorisë së Personelit;
- Plani i Personelit për vitin 2017;
- Vendimi me Nr.KD-1/3-17 i datës 16.03.2017 për themelimin e Komisionit Disiplinor;
- Aktpajtim i Komisionit Disiplinor i datës 24.05.2017 me nr.KD-01/5-17;
- Kopjet e Ankesave të parashtruara në Komisionin për Zgjidhjen e Kontesteve dhe Ankesave për vitin 2017;
- Formulari për Vlerësimin e punës provuese për pozitën;
- Dosjet e pozitave Zyrtar i Fushës, Zyrtar për media, Zyrtar Ligjor, Zyrtar i Lartë për WEB, Zyrtar teknik i mirëmbajtjes, Përkthyes, Zyrtar i lartë për pagesa, Lektor, Nëpunës teknik administrativ, Zyrtar për marrëdhënie dypalëshe;
- Formularët e vlerësimeve të rezultateve në punë për vitin 2017;
- Kopje të pushimit mjekësor;
- Vendim për lejimin e pushimit pa pagesë;
- Vendime për lejimin e pushimit të lehonisë (6);
- Vendim për transferim të përhershëm në institucionin tjetër në shërbimin civil, i datës 24.02.2017;
- Vendimi për pezullimin e dakorduar të marrëdhënies së punës, i datës 13.04.2017;
- Vendim mbi përfundimin e marrëdhënies së punës i datës 06.03.2018;
- Vendimet për përfundimin e marrëdhënies së punës për shkak të arritjes së moshës së pensionimit(5);
- Vendim i datës 21.04.2017 për përfundimin e marrëdhënies së punës me vdekje;
- Plani i Trajnimeve për Administratën e Kuvendit të Republikës së Kosovës për vitin 2017;

Kolegji i Këshillit për mbikëqyrjen e zbatimit të legjislacionit për shërbimin civil, duke u bazuar në provat dhe dëshmitë e shqyrtuara për fushat e mbikëqyrjes të përfshira në "pyetësor", ka konstatuar të gjeturat dhe ka dhënë rekomandimet përkatëse për zyrtarët përgjegjës të institucionit si në vijim:

1. OGANIZIMI I BRENDSHËM DHE TË DHËNAT E TË PUNËSUARVE

Kolegji i Këshillit për mbikëqyrjen e zbatimit të legjislacionit për shërbimin civil, gjatë vizitës që ka bërë në Kuvendin e Republikës së Kosovës më datë 18.04.2018, ka konstatuar që ky institucion ka në fuqi Rregulloren Nr. 04/4598/V-396 të datës 06.09.2013 për Oganizimin dhe Përgjegjësit e Administratës së Kuvendit të Republikës së Kosovës, e cila është plotësuar dhe ndryshuar në Nëntor 2016 dhe është duke u zbatuar. Në këtë institucion janë të punësuar 178 nëpunës civil, ndërsa janë të lira 16 pozita.

Gjatë vizitës Kolegji i Këshillit për mbikëqyrjen e zbatimit të legjislacionit për shërbimin civil ka shqyrtuar pesë (5) dosje të nëpunësve civil: Zyrtar i Fushës, Zyrtar i Lartë për Pagesa, Zyrtar për Media, Zyrtar Teknik i Mirëmbajtjes dhe Zyrtar Ligjor dhe në bazë të shqyrtimit të dosjeve është konstatuar që dosjet e personelit kanë qenë të kompletuara ashtu siç përcaktohet me dispozitat e dispozitat e Rregullores Nr. 03/2011 mbi Dosjet dhe Regjistrin Qendrorë të Nëpunësve Civilë.

Ushtuesit e detyrës: Kolegji duke u bazuar në dëshmitë e ofruara ka konstatuar se në këtë institucion ka pasur dy pozita me ushtues detyre, për të cilat ka pasur tejkalim të afateve në kohëzgjatje, mirëpo vendimet për vazhdimin e afatit janë nxjerrë çdo tre muaj. Kolegji i Këshillit për mbikëqyrjen e zbatimit të legjislacionit për shërbimin civil, konstaton se mos plotësimi i pozitave të lira të nëpunësve civil, respektivisht mbajtja e tyre me gjatë se tre muaj është në kundërshtim me nenin 30 paragrafin 4 të Ligjit Nr. 03/L-149 për Shërbimin Civil në Republike e Kosovës.

Rekomandimi 1: Rekomandojmë Sekretarin e Përgjithshëm të Kuvendit të Kosovës që në rastin e pozitave me ushtues detyre të veprojë në pajtim me nenin 30 paragrafin 4 të Ligjit Nr.03/L-149 për Shërbimin Civil të Republikës së Kosovës.

2. PROCEDURAT E REKRUTIMIT DHE TË AVANCIMIT

Kolegji i Këshillit për mbikëqyrjen e zbatimit të legjislacionit për shërbimin civil, ka konstatuar se Kuvendi i Republikës së Kosovës ka përgatitur planin e personelit dhe gjatë vitit 2017, janë zhvilluar dy (2) procedura të rekrutimit/avancimit, dhe në bazë të shqyrtimit të dosjeve kemi konstatuar që procedura e rekrutimit për pozitën Drejtor i Drejtorisë së Personelit e shpallur me datën 08.09.2017 është zhvilluar në kundërshtim me Ligjin Nr. 03/L-149 për Shërbimin Civil të Republikës së Kosovës, Rregullore Nr. 21/2012 për Avancimin në Karrierë të Nëpunësve Civilë dhe Rregulloren Nr.02/2010 për Procedurat e Rekrutimit në Shërbimin Civilë.

Rekomandimi 1: Rekomandojmë Sekretarin e Përgjithshëm të Kuvendit të Kosovës që me rastin e zhvillimit të procedurave të rekrutimit të veprojë në pajtim me Ligjin Nr. 03/L-149 për Shërbimin Civil të Republikës së Kosovës, Rregullore Nr. 21/2012 për Avancimin në Karrierë të Nëpunësve Civilë dhe Rregulloren Nr.02/2010 për Procedurat e Rekrutimit në Shërbimin Civilë..

3. PROCEDURAT DISIPLINORE

Kolegji i Këshillit për mbikëqyrjen e zbatimit të legjislacionit për shërbimin civil, ka konstatuar se Kuvendi i Republikës së Kosovës në bazë të Vendimit me Nr. KD-1/3-17 të datës 16.03.2017 ka të themeluar Komisionin Disiplinor i cili është i themeluar me tre (3)

anëtar të përhershëm me mandat dy (2) vjeçar, e që është në pajtim me nenin 70 paragrafin 3 të Ligjit Nr. 03/L-149 për Shërbimin Civil të Republikës së Kosovës.

Në bazë të vlerësimit të dosjeve në këtë institucion është zhvilluar një procedurë disiplinore e cila ka përfunduar me arritjen e Aktpajtimit me nr. KD-01/5-17 të datës 24.05.2017. Kolegji konstaton se Komisioni Disiplinor me këtë rast ka vepruar në kundërshtim me nenin 13 të Rregullores Nr. 04/2011 për Procedurat Disiplinore në Shërbimin Civil, sepse në të gjitha rastet Komisioni Disiplinor është i obliguar që të dëgjoj provat lidhur me shkeljen, të vendos në bazë të provave nëse është kryer shkelja, dhe të përcaktojë dënimin që duhet shqiptuar lidhur me shkeljen e konstatuar.

Rekomandimi 1: Rekomandojmë Anëtarët e Komisionit Disiplinor të Kuvendit të Kosovës që me rastin e zhvillimit të procedurave disiplinore të veprojnë në pajtim me nenin 13 të Rregullores Nr. 04/2011 për Procedurat Disiplinore në Shërbimin Civil.

4. PROCEDURAT E ANKESAVE

Kolegji i Këshillit për mbikëqyrjen e zbatimit të legjislacionit për shërbimin civil, ka konstatuar se Kuvendi i Republikës së Kosovës në bazë të Vendimit me Nr. KA-1/3-17 të datës 16.03.2017 ka të themeluar Komisionin për Zgjidhjen e Kontesteve dhe Ankesave i cili është i themeluar me tre (3) anëtar të përhershëm me mandat dy (2) vjeçar. Në bazë të vlerësimit të dosjeve në këtë komision gjatë vitit 2017 janë parashtruar dymbëdhjetë (12) ankesa, 8 kanë qenë në Këshill, të cilat janë konfirmuar si të rregullta.

Kolegji për këtë fushë të mbikëqyrjes nuk ka gjetur shkelje, andaj nuk janë dhënë rekomandime.

5. PROCEDURAT E VLERËSIMIT

Kolegji i Këshillit për mbikëqyrjen e zbatimit të legjislacionit për shërbimin civil, ka konstatuar se Kuvendi i Republikës së Kosovës, ka bërë vlerësimin e rezultateve në punë për të gjithë nëpunësit civil dhe nuk ka asnjë nëpunës civil që nuk është vlerësuar. Në vitin 2017 për 11 nëpunësi civil është kryer vlerësimi i periudhës provuese, në pajtim me dispozitat e legjislacionit për shërbimin civil.

Kolegji për këtë fushë të mbikëqyrjes nuk ka gjetur shkelje, andaj nuk janë dhënë rekomandime.

6. PROCEDURAT E PUSHIMEVE

Kolegji i Këshillit për mbikëqyrjen e zbatimit të legjislacionit për shërbimin civil, ka konstatuar se Kuvendi i Republikës së Kosovës evidencën e pushimeve të nëpunësve civil e mban në kopje fizike dhe elektronike, 34 nëpunës kanë realizuar pushimin mjekësor dhe në dosje kanë qenë të vendosura shenjat mjekësore, katër (4) nëpunës civil ka realizuar pushimin pa pagesë dhe në bazë të shqyrtimit të dosjes ka qenë kërkues për pushim si dhe vendimi, më këtë rast Kolegji konstaton se për të gjitha procedurat e pushimeve janë respektuar dispozitat e Rregullores Nr. 06/2011 për Pushimet e Nëpunësve Civilë.

Kolegji për këtë fushë të mbikëqyrjes nuk ka gjetur shkelje, andaj nuk janë dhënë rekomandime.

7. PROCEDURAT E TRANSFERIMIT

Kolegji i Këshillit për mbikëqyrjen e zbatimit të legjislacionit për shërbimin civil, ka konstatuar se Kuvendi i Republikës së Kosovës, gjatë vitit 2017 ka pasur një transferim të përhershëm, i cili është bërë në pajtim me dispozitat e legjislacionit për shërbimin civil..

Kolegji për këtë fushë të mbikëqyrjes nuk ka gjetur shkelje, andaj nuk janë dhënë rekomandime.

8. TË DHËNAT PËR PËRFAQËSIM ETNIK, GJINOR DHE PERSONAVE ME NEVOJA TË VEÇANTA

Kolegji i Këshillit për mbikëqyrjen e zbatimit të legjislacionit për shërbimin civil, ka konstatuar se Kuvendi i Republikës së Kosovës, ka të punësuar 178 nëpunës civil prej tyre 160 janë shqiptar, 8 serb, 8 turq dhe 2 boshnjak. Prej 178 nëpunësve civil, 82 janë të punësuar femra ndërsa 96 janë meshkuj ndërsa në këtë institucion ka shtatë (7) nëpunës civil të punësuar nga persona me aftësi të kufizuara.

Kolegji për këtë fushë të mbikëqyrjes nuk ka gjetur shkelje, andaj nuk janë dhënë rekomandime.

9. PEZULLIMI, NDËRPRERJA DHE PËRFUNDIMI I MARRËDHËNIES SË PUNËS

Kolegji i Këshillit për mbikëqyrjen e zbatimit të legjislacionit për shërbimin civil, ka konstatuar se në Kuvendin e Republikës së Kosovës, dy (2) nëpunës kanë gëzuar të drejtën e pezullimit të dakorduar, katër nëpunës civil kanë marrë pushim pa pagesë, një nëpunësi civil i është përfunduar marrëdhënia e punës me dorëheqje, pesë (5) nëpunësve civil i është përfunduar marrëdhënia e punës me pensionim, ndërsa një nëpunësi i është përfunduar marrëdhënia e punës me vdekje. Për të gjitha këto procedura janë ndjekur procedurat ligjore.

Kolegji për këtë fushë të mbikëqyrjes nuk ka gjetur shkelje, andaj nuk janë dhënë rekomandime.

10. PAPAJTUESHMËRIA NË MES TË USHTRIMIT TË DETYRËS SË NËPUNËSIT CIVIL DHE FUNKSIONARIT PUBLIK

Kolegji i Këshillit për mbikëqyrjen e zbatimit të legjislacionit për shërbimin civil, ka konstatuar se në Kuvendin e Republikës së Kosovës nuk ka asnjë nëpunës civil i cili në të njëjtën kohë mbanë pozitë të nëpunësit civil dhe ndonjë post publik.

Kolegji për këtë fushë të mbikëqyrjes nuk ka gjetur shkelje, andaj nuk janë dhënë rekomandime.

11. TË DHËNAT NËSE NDAJ NËPUNËSVE CIVIL ËSHTË DUKE U ZHVILLUAR PROCEDURË PENALE OSE JANË DËNUAR ME VENDIM TË GJYKATËS

Kolegji i Këshillit për mbikëqyrjen e zbatimit të legjislacionit për shërbimin civil, ka konstatuar se në Kuvendin e Republikës së Kosovës, në vitin 2017 ndaj asnjë nëpunësi civil nuk është zhvilluar ndonjë procedurë penale, apo shqiptuar ndonjë dënim nga gjykata.

Kolegji për këtë fushë të mbikëqyrjes nuk ka gjetur shkelje, andaj nuk janë dhënë rekomandime.

12. TRAJNIMI I NËPUNËSVE CIVIL

Kolegji i Këshillit për mbikëqyrjen e zbatimit të legjislacionit për shërbimin civil, ka konstatuar se Kuvendi i Republikës së Kosovës, respektivisht Zyra e Personelit ka përgatitur planin e trajnimeve. Në trajnime janë përfshirë 34 nëpunës civil.

Kolegji për këtë fushë të mbikëqyrjes nuk ka gjetur shkelje, andaj nuk janë dhënë rekomandime.

13. VIJIMI NË PUNË, PAGAT, SHITESAT DHE KOMPENSIMET

Kolegji i Këshillit për mbikëqyrjen e zbatimit të legjislacionit për shërbimin civil, ka konstatuar se në Kuvendin e Republikës së Kosovës, vijimin në punë mbahet në formë elektronike. Po ashtu në bazë të shqyrtimit të listës së pagave konstatohet se të gjitha pagat realizohen në pajtim me akt emërimet ndërsa shtesë në pagën bazë gëzojnë të gjithë nëpunësit në bazë të Rregullores për Orarin e Punës dhe Kompenzimet për Nëpunësit Civil të Administratës së Kuvendit.

Kolegji për këtë fushë të mbikëqyrjes nuk ka gjetur shkelje, andaj nuk janë dhënë rekomandime.

14. ZBATIMI I REKOMANDIMEVE DHE VENDIMEVE TË KËSHILLIT

Kolegji i Këshillit për mbikëqyrjen e zbatimit të legjislacionit për shërbimin civil, ka konstatuar se Kuvendi i Republikës së Kosovës gjatë vitit 2017 ka pranuar gjashtë (6) vendime të Këshillit të cilat janë zbatuar. Kuvendi i Republikës së Kosovës në vitin 2017 është monitoruar për vitin 2016 dhe i janë dhënë dy (2) rekomandim të cilat janë zbatuar.

Kolegji për këtë fushë të mbikëqyrjes nuk ka gjetur shkelje, andaj nuk janë dhënë rekomandime.

15. SHËNIMET/KOMENTET PËR MIBKËQYRJEN E ZBATIMIT TË RREGULLAVE DHE PARIMEVE TË LEGJISLACIONIT PËR SHËRBIMIN CIVIL

Kolegji i Këshillit gjatë shqyrtimit të të dhënave të dosjeve për fushat e mbikëqyrjes, ka konstatuar tre (3) të gjetur dhe ka dhënë tre (3) rekomandime.

Këshilli i Pavarur Mbikëqyrës për Shërbimin Civil të Kosovës, rekomandon Sekretarin e Përgjithshëm të Kuvendit të Republikës së Kosovës, që gjetjet me rekomandimet e dhëna në këtë raport t'i adresoj dhe së bashku me njësitë përgjegjëse të sigurojë që të ketë zbatim të plotë të legjislacionit për shërbimin civil, sidomos duke pasur një fokus të veçantë për fushat për të cilat janë evidentuar shkelje dhe lëshime në zbatimin e procedurave dhe legjislacionit për shërbimin civil.

I dërgohet:

- Sekretarit të Përgjithshëm të Kuvendit të Kosovës;
- Drejtorit të Drejtorisë së Personelit në Kuvendin e Kosovës;
- Arkivit të KPMShCK

Hajzer Salihu
Kryetar i Kolegjit

Sabile Avdyli
ZL për Bashkëpunim Profesional

Sabile Avdyli